


4034037
38
12

蒼梧縣志

卷十八

外傳紀事下

雜錄



蒼梧縣志卷之十八

外傳

紀事下

神宗萬曆二年行一條鞭法見明史食貨志以遞運所改設鹽運

提舉司二員舊志

三年總督殷正茂檄廣東歲運梧州餉改本色為折色以

遞運所附府門驛同上按殷正茂平諸

四年平亂民林思配撫老君崗叢載

總督凌雲翼帥師征羅旁時梧民林思配以催科急豎

旂倡亂急捕笞殺之亂遂定又東安鄉老君崗上水獠

蒼梧縣志卷之十八外傳紀事下 明 一

李金亮聚眾殘掠亦撫定之參見舊志叢載

五年彗見西方長竟天關陸路由三合嶺上婆埗入登大

靖嶺大橋路崗達沙牛抵昭平藤縣舊志

六年總督凌雲翼撫七山下連城北科諸獠歸順參見舊志府志

時諸獠畏羅旁兵威願歸順就編民計田入賦府志撫

七山諸獠移參將於連城設七山鎮以指揮領兵守之

免驛夫銀一年減歲征十之一冬大火舊志通志時

免舊額

萬曆初岑溪有潘積善者僭號平天王與六十三山六

山七山獠獠據山為寇居民請剿會大兵征羅旁不暇



及總督凌雲翼檄以禍福積善願歸降輸賦乃貸其罪且以其子入學議者謂七山爲蒼梧信地六山爲容縣北流中衝北科爲六十三山咽喉懷集爲賀縣諸村出入之所因立五大營營六百人設參將及屯堡三十治

焉明史土司傳梧州兩粵之會也其地崇岡盤谷延袤

相屬往往爲獠獞所據而岑溪尤甚岑溪之西北有上

七山下七山介於蒼梧藤縣間下七山在蒼梧地有平田黎崙

白板孔蜜等三十七巢白板孔蜜今須羅鄉地東南爲六十三山

有孔亮陀田桑園古欖魚修白磔等百餘巢與粵東羅

旁相聯絡賊據峻嶺高可摩天山徑周遭僅容厠足叢

蒼梧縣志 卷之十八 外傳紀事下 明 二

林脩樹環數百里無日色賊上下山阪若走丸我兵乘

之竟不能尾其後賊生長山谷如虎踞穴客兵至不耐

其水土瘴輒侵之賊據山上伏樹中望我兵如數一二

我兵惟一小徑可行賊旁伏藥弩中人立斃我兵望之

輒次且而却益虺之不摧而任其跳梁叫號久矣宏治

年來四征不克嘉靖初七山賊唐宗欽等煽亂都御史

陶諧集官兵討之時居民多爲獠獞耳目師出無功賊

益橫三十二年都御史應欜密部置諸卒假以征西爲

名乃潛入七山賊棄巢奔我師困之賊多殲死者遂全

師返七山諸酋自是少戢而六十三山賊其驚驚猶故

賊謂官有萬兵我有萬山兵來我去兵去我還蓋二百年來未有擣其虛者時粵東羅旁賊方熾橫江截人而岑溪潘積善容縣劉德厚等俱爲羽翼益鴟張無忌萬厯初都御史凌雲翼舉兵征羅旁盡平其地聲言移兵岑溪潘積善懼自縛詣軍門乞降而德厚亦投容縣願約束諸民爲編戶乃設參將府於大崗統兵千餘名參將以秋冬二季駐節練兵檄北科鎮田三千六百餘畝招獐人頭目韋月統耕兵三百名耕守其地設連城北科七山六雲諸鎮分兵列營統以指揮千百戶自是賊人帖服叢載時分設五鎮蒼梧曰七山藤曰六雲岑曰

蒼梧縣志

卷之十八

外傳紀事下

明

三

北科連城懷集曰五里

府志

蒼梧民甘世廣率六圍獐

三百人破藥埔等巢

舊志

定兩廣界於文峽所植木棉

樹爲界時廣東兵越界爭功故立木爲界撫定九山二

十八都六便山橫山那留山等處獐獐悉爲編民

府志

七年十寨復亂總督劉堯誨發兵剿之興業木頭崗寇亂

尋討平之

叢載 是年總督設行臺於肇慶

十寨

舊八寨增龍哈唏咳爲十

復叛鎮梧州制置使

卽總督

劉堯誨及

臺御史

卽巡撫駐省

張任請弓矢得往正其罪然後與諸將

約約不至三月費凡七萬餘兩而寨酋之頭欲盡懸麾下亡何斬首捕虜凡一萬六千九百有奇果以三月得

捷 萬歷武功錄

鬱林酋長黃邦緣與北流酋長黃章第

等走博白沙田之間已入興業諸縣城門做戒道路不通吏目陳思聖請於兵巡使王原相會御史顧鈴行梧州移原相乘傳馳鬱林即移書制置使劉堯誨以羽檄徵營兵及戍梧土兵五屯旂軍是時梧州守陸萬垓同知魏仕吳司理蔣上欽旦暮治兵餉期五月十七日攻木頭成隍諸巢先登却敵破之捷上幕府凡斬首捕擒五千一百五十六人於是賜劉堯誨金三十兩王原相等金各二十兩陸萬垓等金十兩 武功錄

八年罷書院田歸編戶修闕武場知縣龐一夔請置水哨

蒼梧縣志

卷之十八

外傳紀事下

明

四

舊志

九年清丈民田更定差役裁提舉司及知事官

舊志

十年罷無名之徵豁虛糧

舊志

總督郭應聘奏罷無名之徵蒼梧水西坊經紀銀七十兩榕樹潭經紀銀五十兩自清丈後民以虛糧為累蒼梧尤甚是年十月編審百姓赴訴知府林喬楠為請於上減米一千四百二十三石八斗三升零皆免編

通志府志

作十一年事

十二年旱減積穀免災米八千六百八十石五斗

舊志

是年懷集獐嚴秀珠叛蒼梧知縣李日巽懷集知縣林

春茂開建知縣范調元賀縣知縣李介福蒼梧守巡使
管大勳來經濟牒報督撫檄總兵戚繼光討斬之

通志

秀珠等糾黨掠寧崗下準流劫開建封川總督吳文華
挈東山精兵及歸順戍卒七千會梧鎮聲言西援合蒼
梧道來經濟副使王津督諸軍大征生擒七十餘賊斬
嚴秀珠等八百有奇

府志

十三年大旱蠲災米

舊志

十四年造差船秋七月大水

同上

知府翁萬達造差船以除民累七月大水南門外高一
丈五尺漂沒民居八百餘家田禾盡沒官出帑金抽糶

蒼梧縣志

卷之十八

外傳紀事下

明

五

十之三平糶賑之

參見舊志通志

十五年闢府江陸路營兵梁一貴倡亂伏誅

舊志參叢載

先是十一年梧城多火災用形家言北爲坎南爲離水
火不交則多火災宜闢北門大路參政管大勳知府林
喬楠請於督府吳文華至是闢之

參府志

置館驛夫馬

造沿途橋渡

見兵防各志

兵梁一貴梧州大崗戍卒也崗故

有左右營控制諸徭參將吳紳甫到官卽欲部署諸戍
卒乃治鄣鐙竹箠期以某日閱操曰敢議令及不如令
者論如法時丁亥四月二十也居七八日如期紳登大
將壇鳴金鼓大閱屬哨官梁鳳傳令會鳳新視事不備

於軍法失儀紳大怒命左右榜掠之二十已命縛之戲
下於是梁一貴胡一倫等率右營兵三百餘人直走入
紳所鼓噪將竹箠毀折之負鳳以出復圍紳大言曰吾
等盡下班若烏奈我何紳不得已強爲好言慰籍之眾
始出是時來經濟爲蒼梧兵巡道急使指揮李汝賢曉
譬得安者乃逮捕梁鳳羅本錢子和及叛兵梁一貴胡
一倫黃珠蒙惠陽明繫梧州獄卽請於制置使吳文華
及臺御史吳善御史蔡系周皆後先上書議調吳紳而
以渠魁梁一貴等罪當死會大司馬王一鶚議亦如之
上乃詔曰營軍欺蔑本管故違軍令驕悍成風大壞綱

蒼梧縣志

卷之十八

外傳紀事下

明

六

紀乃以一貴等五人梟斬蒼梧市其後制置使劉繼文
如詔行先是上有詔欲重治吳紳而給諫吳之佳上書
大畧以爲南兵吳公泰之變上幸動一副將諸軍闐視
而起今又治一參將則是軍士挺臂一呼將軍俛首輒
去所謂一脛之大幾如腰一指之大幾如股此賈誼常

爲痛哭流涕者也

萬歷武功紀 按大崗岑
溪地與蒼梧七山毘連

十六年以清軍同知兼管江防政府門等驛爲水馬驛增

編縣囚粥銀

舊志

二十年增修梧城望臺十座

二十三年發戍卒擒斬七山猺賊

叢載

七山猺趙宗亮等作亂兵巡道戴耀奉總督陳大科檄徵各路兵萬八千人以總兵童元鎮侯國弼參將吳廣李鳳守備黃鍾等分道進剿賊伐木塞路諸將督役開道而陰從間道登孔亮山賊據高發矢官兵將却吳廣斬一卒以徇諸兵大奮火銃齊發賊大潰追至車灘溺死無數斬首千一百三級俘獲四百有奇捷聞耀遷巡撫尋進總督兩廣通志

二十七年春二月以內監權蒼梧礦稅裁驛馬設站船舊志裁稅課司以御馬監沈永壽權礦稅又裁龍江驛膳夫復大塘守兵裁南路赤珠等八舖守道管大勳造站船

蒼梧縣志 卷之十八 外傳紀事下 明 七

二以應使客府志作守道造哨船二撥兵巡哨舊志

按府志沈永壽權稅梧州民不知商商皆客民稅監至知府凌嗣音知縣劉珍申明舊額令親詣盤抽民始不擾

二十八年學使李夢熊以缺俸廩齋置學田贍諸生舊志

是年減哨船兵改府門驛馬五為驛船五從知府凌嗣音請也同上

二十九年夏大雨雹秋八月旱罷戎墟埠稅舊志

是年六月粵東賊陳一德投稅監報礦往來藤博恐嚇五屯所軍民派歲輸銀百兩許其停采監差守催民不勝忿遂激變知府凌嗣音撫諭處分民心稍定稅監悔

恨掣回差官捕一德置諸法秋八月復聽匪人王家相
增設濛江藤江戎墟三稅猾棍藉勢詐冒於是蒼藤博
北四縣民大噪知府凌嗣音安輯之逐王家相等三稅
亦罷參見府志

三十三年罷抽稅監舊志

三十七年冬十一月城外火西南盡燬通志

四十年夏六月大水舊志

四十二年大水

四十六年旱城內外俱火大飢募守兵秋八月有巨星見
於東方白氣長丈餘至冬始滅舊志 梧城內外俱火官

蒼梧縣志 卷之十八 外傳紀事下 明 八

署城樓盡燬死者相枕藉是年柳慶邕潯梧皆無收諸
郡飢流離自鬻者無數知府陳鑑盡發倉廩轉糴於粵

東民賴全活通志 冬月撤班軍募兵四十名守茶山舊志

四十七年加派遼餉舊志 大旱赤地如焚明史五行志

時有事遼西加派遼餉每畝徵銀一分九釐五毫 巡撫陳邦瞻巡按

劉有源奏請豁免不報舊志

光宗泰昌元年秋九月城外火焚八百餘家知府同知捐
俸恤之丙申天鼓鳴天裂如電光有聲如雷冬免稅課

新餉

熹宗天啟元年春建五門城樓及北望樓夏五月大水俱

同上

二年夏六月都御史陳應台以鎮兵虛弱抽縣民款五十名充標兵秋八月繫龍洲文昌閣火知縣梁子璠請草櫃頭雜派冬十一月調藥弩手三百目兵三百名討連山八排舊志

時調各州縣營鎮隊兵一千三百名援黔知縣梁子璠蒞任以里中額編四差款項俱備且有新官上任過客供張往來夫役皆當年里長出派病民乃逐一裁汰其應用者官發銀買或借用仍申請榜禁永為定例又櫃頭庫吏誌書硃燭紙劄一切供應革之府志

蒼梧縣志

卷之十八

外傳紀事下

明

九

通志八排延袤二千餘里而軍寮油嶺界於其中勢若長蛇首尾相應內五排隸連山縣離城僅五六里可望而見一曰大掌嶺一曰火燒坪一曰里八崗一曰馬箭一曰軍寮獨軍寮強悍西抵賀縣昭平富川南抵懷集北抵湖廣之藍山縣皆五排流劫之地外三排隸連州離城三十里一曰油嶺一曰行牆又曰南岡一曰橫坑獨油嶺強悍南抵懷集東南至清遠北至連州通星子司西抵湖廣臨武達宜章界皆三排流劫之地按八排相去頗遠然有警必備故附錄之

五年講鄉約立約正約長朔望講聖諭六條於明倫堂令

老人以木鐸徇於路

舊志

七年夏五月大水冬城外火

舊志

自府學宮前至西門延

燒九百餘家

通志

莊烈帝崇禎三年裁督糧通判廣備倉大使遞運所官

舊志

四年派惠福二王贍田租每歲編銀解司停紳衿優免
六年徵民房閒架稅秋七月大水八月修女牆加雉堞俱同上

八年夏六月大水舊志

九年賣閒曠官地修城舊志

十年加編剿餉舊志

十一年調獠兵及岑溪狼獠會剿藍山臨武寇以守道唐
顯悅監軍狼目廖養陷陣有功參見舊志府志

十二年秋九月府治西廊火延燒儀門及糧捕廳舊志參叢載

十四年夏五月大水秋七月城外火自鎖龍橋至西門舊志

蒼梧縣志 卷之十八 外傳紀事下 明 十

參通志

是年懷集獠犯黃潭營狼總徐光追至仙人嶺敗之總

督沈猶龍督三省兵會剿府志募守兵以韋應奇廖黎

榮領五百名屯大較場未幾調散舊志

十六年春二月大水冬十月桂王惠王吉王避寇至梧十

二月賀縣寇據梅花洞城中戒嚴舊志參府志

惠王常潤神宗第六子萬曆二十九年封天啟七年就

藩荊州崇禎十五年十二月李自成再破彝陵荆門湖

南巡撫陳睿議奉常潤走湘潭就吉王於長沙十六年

八月張獻忠陷長沙常潤走衡州就桂邸衡州繼陷同

吉王桂王走永州巡按劉熙祚遣人護三王入廣西又

桂恭王恭一作端常瀛神宗第七子萬曆二十九年封天啟

七年之藩衡州張獻忠陷衡常瀛同吉惠二王入廣西

居梧州又吉王慈煒英宗第七子吉簡王見浚八世孫

崇禎九年嗣十六年張獻忠入湖南同惠王就桂王於

衡州隨入粵明史諸王傳桂王初至紀律肅然惠王吉

王繼至亦無騷擾舊志按舊志吉王作祁陽吉與祁音同湖南有祁陽故訛傳也

賀縣土賊亂將攻懷集梧州戒嚴參將出兵逗遛東安

鄉界兵備道林銘鼎驚惶失措惟議守城參將日報急

需兵餉時有李賊八萬即至銘鼎益懼潛具舟為逃計

蒼梧縣志 卷之十八 外傳紀事下 明 七

百姓悉遁入鄉未幾肇慶參將擊破之遂合平樂兵搗

其巢餘黨悉平府志

十七年甲申惠王往江西桂王吉王薨明亡參見舊志明史

甲申春三月京師失守夏四月己巳凶問至南京五月

庚寅福王監國壬寅立於南京六月乙丑命惠王移肇

慶吉王薨十一月戊子桂王薨明史諸王傳舊志八月桂王薨十月吉王薨

南都告覆大臣陳子壯等以桂王神宗子宜立會唐王

立於福建乃止王流離播遷憂悸成疾薨世子已先卒

次安仁王由椽未幾卒次永明王由榔同上

五月聞變官民成服哭於市舊志

謹按是年爲我

大清順治元年春三月

世祖章皇帝定鼎燕京壹是辰告訃謨有

國史在自茲以後但書紀年據邑中舊志所載及今所見者

錄之

順治二年春二月旱至秋八月十六日始雨歲大飢明葬

桂王於高望山葬吉王於五量山丁魁楚瞿式耜擊靖

江王於桂江敗之

舊志

自崇禎十六年張獻忠破衡州桂王長世子次王子俱

遇害王與第三子安仁王及妃王氏馳永州第四子永

蒼梧縣志

卷之十八

外傳紀事下本朝

三

明王爲賊所囚宣國公焦璉時爲列校斬守者負之西

馳追至永州與王會是時楚地殘破粵中稍安遂入居

梧州十七年十一月桂王薨諡曰端宏光元年

福王紀元四

月有旨召安仁永明二王赴近畿六月巡撫瞿式耜抵

梧州任後值靖江之難家屬得王母覆庇之力永明正

位葬王於梧州是爲興陵

稗史

靖江王

名亨嘉

固篡位者自立後其嫡嗣同宗二十餘人

上疏告許天啟崇禎兩朝迄無寧歲王厚賂朝貴故輒

直王宏光登極上表賀因奏全永連三州皆爲賊據撫

按匿不以聞及南都失守王遂睥睨神器以楊國威爲

大將軍推官顧易爲吏科給事推署僚佐臬司以下皆俯首聽命檄左右江四十五洞狼兵自稱監國稗史

逆藩作難兵將東撫臣瞿式耜啟以大義謂之曰兩京

繼陷大統懸於一髮豪傑睥睨逐鹿閩詔旣頒謂福建唐王

何可自與內難爲漁人利靖怒使促耜入桂耜陰檄思

恩參將陳邦傳防梧又止狼兵勿應靖靖提兵至梧耜

坐梧城中靖使謁者促耜朝耜曰王也而朝禮也謁者

曰易朝服耜曰王烏用朝服以常服朝禮也靖知耜不

可奪恐西撫與東督應用小舟挽耜上桂塞其艙不令

見人至桂閉於邸耜日凝坐不與諸靖人語人亦無敢

蒼梧縣志 卷之十八 外傳紀事下 本朝 三

向耜語者然防禦有素故處之泰然夫人邵陰遣家人

賫疏聞道至閩賀卽位并乞師曰嶺表居楚豫上游嶺

表失則豫無所憚楚未得通天下事益不可爲矣臣耜

朝以死則粵西夕以亡豈惟一省之憂靖旣遣師挾式

耜西行驟與陳邦傳遇兵敗返桂時秋九月耜猶著單

紗靖送衣服飲食俱不受一日趨耜以撫軍令調狼兵

耜曰戴罪之臣曷可泄戎事瞑目不食求自斃諸靖人

畏之送居劉仙巖距桂城五里王自調狼狼不應外兵

且急復迓耜入請還撫軍治耜曰戴罪之臣曷可還治

送勅印至拜受之請涖事不答使者往返薄暮始入城

時湖南列校焦璉爲楊國威旗鼓知所事非正歸撫軍
撫軍授之計會邦傳兵應檄至璉夜縋城下入其軍復
縋邦傳上守陴皆璉兵隨擒楊國威顧易等五鼓攻靖
邸戒士但求靖江他無所擾厥明大定明年春二月總
督丁魁楚執以歸於福京委總兵馬吉翔解至建寧王
病死從叛楊國威顧易等皆伏誅封丁魁楚思恩伯陳
邦傳富州伯以瞿式耜爲兵部侍郎兼副都平逆藩功
也式耜辭曰國家禍變構難同室詎臣子稱功地西臣
辨西奚以功爲不聽復授是職同上

三年春三月明安仁王薨夏六月調梧兵援贛自二月至

蒼梧縣志

卷之十八

外傳紀事下
本朝

十四

秋八月二十六日始雨歲大饑冬十月丁魁楚瞿式耜
來迎明永明王卽位於肇慶十二月永明王至自肇慶
稗史

安仁王英明特達有知人之鑒嘗曰居安可寄社稷臨
難不奪大節者唯司馬瞿公一人而已與人言必諄諄
辨論曲盡人意一日晏罷夜半疾作急召式耜入付以
後事執手流涕曰孤負先生顧王弟永明王曰國家事
一聽瞿先生處分先生好輔之言畢而薨式耜慟哭曰
王漢光唐肅之儔也天不祚明早奪其年悲夫
游粵見
聞永明王監國於肇慶以明年爲永曆元年王聰明仁

厚皇考桂端

明史作恭

王自衡徙梧以病薨王居苦次會隆

武蒙塵

謂唐王

報至明兩廣總督丁魁楚

時駐肇慶

廣西巡撫

瞿式耜

時駐梧州

謂天下不可一日無君乃迎王至肇慶立

之以府署為行在頒詔楚蜀滇黔

稗史

王以十一月十

五日即聞位於肇慶

舊志

閩汀之變丁魁楚還肇慶聞首揆何吾騶亦自閩還大

司馬瞿式耜亦在肇謂制府丁魁楚曰朝廷事裂矣公

寧坐視顛危耶請急議監國時閣學呂大器自閩來李

永茂以大司馬守制亦自閩至式耜曰永明王賢此殆

天意十四日迎王於梧王三讓太妃曰此大事吾兒仁

蒼梧縣志

卷之十八

外傳紀事下本朝

五

柔非撥亂才恐不勝任願先生更擇可者羣臣固請乃

許

遊粵見聞

先是蘇觀生以不與永明王監國之議九月立唐王於

廣州我貝勒命副總兵李成棟率偏師取廣東以修養

甲督之惠潮相繼下省會寂不聞也至十二月望我兵

突至入城無一抗拒者唐王自裁觀生縊死二十五日

得廣州報永明王出城駕小舟如西峽傳幸梧州式耜

方視師峽口內監王坤趣上西避式耜夜乘小舟留駕

曰我兵水陸游至三水可上下搯也爭之不得請身留

肇慶宗人府朱容藩奏曰左右所恃唯式耜一人式耜

留則上行益孤矣王舟西式耜部署五日疾趨梧王西
行又五日矣稗史

四年春正月明永明王走桂林我師入梧州秋七月水師

副將楊超叛降於明冬十一月克復梧州參府志通志

永明王西行將入桂林丁魁楚惑於奸弁蘇聘從梧州入岑

溪王化澄携中樞印走潯州西上扈從者唯式耜一人

而已時兵衛寥寥梧州知府陸世廉惟募舟夫以進東

明聞見錄

魁楚因土鎮徐海徐滋入岑北科為避地計會連城土

寇將攻城時三營官兵尙存魁楚又檄陽電兵來援正

蒼梧縣志 卷之十八 外傳紀事下 本朝 六

月二十九接戰於葛石坡魁楚念岑不可居謀上潯二

月軍門遣部將楊姓入岑魁楚踰跟遁府志二月丁魁

楚出降副將杜永和押赴廣東半途殺之舊志

十月十四日水師副將楊超叛引陳邦傳入城南五鄉

土兵起舊志時楊超既叛南五鄉戎墟羣不逞之徒招

誘愚民猺獞為兵號義師酷索富民充餉及邦傳至營

取副參遊都司劄付益肆殘暴而藤岑容北紛出劫掠

民不聊生府志

明徵蠻將軍陳邦傳由賓柳及潯州我巡撫耿獻忠懼

遁還廣州梧州遂陷稗史明加式耜太子太保駐師梧

江未幾復還桂林留守

聞見錄

冬十一月廣東提督李

成棟復取梧州陳邦傳遁走

府志

五年春三月李成棟挾佟養甲以叛夏四月大飢巡撫魯

可藻設粥賑之五月明永明王至梧秋七月東下肇慶

東南星隕桃李實如瓜

舊志參府志
斗米銀五錢

廣州李成棟反邀永明王移駕端州王至梧成棟先遣

官修葺興陵展謁畢即移舟東下自梧迄端結綵數百

里是歲十月李成棟遣佟養甲代祭興陵夜半襲而殺

之稗史

六年夏五月大水漂百餘家冬十一月

二十闖孽李赤心

蒼梧縣志

卷之十八

外傳紀事下
木朝

七

至梧大掠

舊志

赤心李自成姪眇一目軍中號為一隻虎何騰蛟招之

受封號忠貞營至是死焉

稗史

七年春二月明永明王至自肇慶夏六月大水冬十一月

永明西走藤州

參見舊志府志

南雄失守報至永明震恐戒舟西上給事中金堡爭之

不得留守瞿式耜疏曰粵東水多於山雖良驥不能塗

合自成棟反正上有寧宇財賦繁盛十倍於粵西戈甲

衣糧內可自強外可借敵材官兵士南北相雜制勝致

王可操券而求也且肇去韶千餘里強弩乘城堅營固

守亦可待勤王兵四至傳曰我能往寇亦能往以天下之大祇存一隅退寸失寸退尺失尺乃朝聞警而夕登舟不知退將何地疏再上而已移肇抵梧矣百官蹙跟就道聞見錄王至梧州百官請修行臺王欲以舟為家命陳邦傳統兵護駕馬吉翔護三宮自春徂秋王化澄嚴起恆二相相隨逍遙河上有民謠云漢宮秋耶昭陽愁耶起恆字秋治化澄字昭陽故云八月十五日舟泊繫龍洲王與太后三宮置酒樓船簫鼓於舟之上下起恆手書水殿二字掛小牌於御舟前王飲至中宵不樂而罷以清遠峽及惠莞閒有敗報也稗史十一月永明

蒼梧縣志

卷之十八

外傳紀事下本朝

末

移舟西上古藤州後由南寧入滇入緬遂為吳三桂所執參見舊志稗史

八年春正月定南王孔有德遣左翼前鋒馬驥取梧州二月以總兵馬蛟麟鎮之舊志

是年閏二月道府縣官齊至安集士民四月始徵田糧八月明慶國公陳邦傳與其子文水伯曾禹遣將至梧州降於我師并誘殺協守總兵焦璉璉與邦傳有兒女感說降不屈遂為所害參見舊志府志及稗史

九年秋八月明兵過陷梧州知府沈綸不屈死文武官東下九月乃回舊志

李定國兵陷梧州大掠數日而去時提鎮馬雄出兵堵禦屢敗文武官議以桂平皆陷恐梧州孤城難守乃具舟歛老營避江中十五日賊奄至我兵禦之又敗乃聯舟東下至九月杪始回參見府志

十年春二月大雨雹風拔文廟松明兵再陷梧州歲大飢民大疫舊志

定國率安西兵從賀縣經東安鄉復陷梧州官兵倉皇赴舟趨火山定國入城四日無所得乃焚民居而去參見府志稗史

十一年明安西兵復出由西寧至戎墟城中戒嚴設東南

蒼梧縣志

卷之十八

外傳紀事下本朝

五

北三路舖司

參見舊志府志

是歲十月明李定國遣將攻梧州不克

稗史

十二年春正月火巡撫陳維新題免十年十一年逋賦

舊志

十三年冬十二月癸卯火巡撫于時躍題免十二年十三

年糧布政使張自昌諭民墾荒田官給牛種

參見舊志府志

初蒼梧糧皆折色後軍需繁急遂盡徵本色田荒糴貴百姓苦之知縣熊坊請量地方遠近半准折色是年分

巡道李本晟詳請盡改納折色

府志

十四年始營總督府

舊志

十五年總兵馬雄晉提督移鎮南寧

見兵防

十六年核欺占給業還民

參見舊志

先是城外屋基皆民恆產兵至盡為所據推官閻玫請於巡按御史田昇龍奏請各給還民

府志

十七年鄉有虎患冬十月封川文德盜大掠東安鄉據大

桂山守道陳宏業剿平之

舊志參府志

十八年春三月哀詔至官民三日哭夏六月大水

舊志

康熙元年壬寅地震

舊志

二年清丈民田夏四月火秋七月水

舊志

時冊籍缺糧一百九十餘石苦樂不均知縣陳緯詳請

清丈未竟而卒是年裁總督設廣西巡撫移桂林遂為

蒼梧縣志

卷之十八

外傳紀事下本朝

三

永制四月城外火自府學前至西門焚鋪舍八百餘所

知府黃龍捐俸賑之

同上

三年賑廣東流民

通志

城外火焚八百餘家

府志

自五月至十月廣東徙民至梧者數千人知府黃龍查

給錢米隨地安插時加賑卹願別往者給路費有奸徒

畧賣女子為重懲之

府志

四年春三月有白氣如練自西南向東隅秋七月大水八

月地震

舊志

六年秋七月初二日大雨城東南牆圯

舊志

七年秋八月大水沒民田知府黃龍請免災糧百八十餘

石先輸者給還之

舊志

八年修橋渡街衢

舊志

九年復清丈民田

同上

蒼梧戶口稅糧自明萬厯末年因循積弊各鄉土書十年攢造輒挪移飛灑輕重自由詭巧百出至明亡沒匿舊冊定鼎之初知府沈綸知縣熊坊乃自編造奸弊益生缺額滋多其存者或田多稅少或田少稅多時以荒蕪不問康熙二年知縣陳緯稽查缺額土書各相推諉不可究詰乃請勘丈事未克竣至是藩司核定十年全熟知縣劉泰祥復清丈各鄉人戶稅畝核實積算乃界

蒼梧縣志

卷之十八

外傳紀事下本朝

三

雖清而弓有輕重土老增減隱沒土書出入飛走夙弊終未盡革

府志

十年夏四月思良江澇壞民田漂數十家

舊志

十一年夏五月大水

同上

十二年夏六月水災秋九月地震

同上

十三年春正月吳三桂叛自雲南總兵班際盛副將王虎至梧應策夏四月思良江漲六月緱成德陷梧城秋八月克復冬十月各鄉盜起免未完糧庚午夜天鼓鳴自

西而南

舊志參府志至西北與此異

按明正德十年天鼓鳴自東南又多賢鄉是年大水見府志

吳逆之叛孫延齡實助之正月聞變士民驚避城中幾

空二月平南王總兵班際盛督標副將王虎率師至二月甲子聞桂林有警城中戒嚴六月延齡遣偽總兵緱成德率兵陷梧城盡拘官屬七月聞援兵至乃宵遁八月督標副將屈大法始入城安集士民土賊陳士龍等乘機聚眾剽掠各鄉九月初構木柵於石英山以兵守禦十月總督金光祖授本邑貢生蒙君祐都司劄團練鄉勇時土賊周君道據多賢山腦爲巢穴四出流劫君祐糾集鄉民擒其嚮導數人解軍門故授是職十二月君祐偕千總謝詔領兵三百人合鄉兵破賊斬首數百

餘黨奔潰

通志參府志時錢糧僅完十之六七城守屈大法請總督具奏免徵

蒼梧縣志

卷之十八

外傳紀事下本朝

三

十四年夏四月賀縣賊據東安鄉六月緱成德再陷梧城

秋八月大水地震冬十二月貴縣賊掠戎墟

舊志

賀縣賊李梅友羅金備據東安鄉劫掠貧民充兵富民充餉副將陳汝德率師以禦六月孫延齡復遣偽將緱成德孫延基王邦相寇梧城總督金光祖親統大兵破走之七月王邦相復至毀督院及民房以建鎮署十二月丁丑貴縣賊韋國棟大掠戎墟俘男女百餘人而去時國棟自鬱林至容縣合各土鎮攻陷岑溪掠一月人畜既盡乃出屯蒼梧界欲掠南五鄉以狼總韋必榮守禦嚴遂不敢動二十四卯時突至戎墟市擄掠已刻聞

官兵追擊乃由藤縣大路馳去

參府志

十五年春二月辛巳文武官委城東下肇慶三月王邦相據城夏五月長行大澇壞民田六月大水偽官許民報荒

舊志

先是王邦相敗走潯州後復據藤城至是遣兵趨廣東勢甚張文武官委城東下邦相遂入梧招集土鎮分掠州縣

府志

十六年秋七月壬寅大將軍傅宏烈收復梧城大水壞民田八月免本年糧

舊志

初傅宏烈受孫延齡監軍道率師取江西自江西投誠

蒼梧縣志

卷之十八

外傳紀事下本朝

三

晉撫蠻滅寇大將軍巡撫廣西提兵復梧偽總兵王邦相偽知府蓋鴻及官民數百棄城走橋斷邦相蓋鴻被溺死偽知縣賀某走潯州梧州遂定先是偽官借徵次年糧每石銀七錢八月新令何焯以民出湯火請免徵本年田租

舊志參雜志

十七年將軍額楚麟吉兔舒恕穆成格等至梧會師討雲南秋七月八月大水沒民田

舊志

是年傅宏烈遣參將戴國社討懷集賊李蕢

府志

十八年春吳世琮寇梧州將軍傅宏烈等合擊大破之三月會城歸正文武官至梧降四月傅宏烈赴桂林巡撫

任府志

偽將吳世琮寇梧州會湖廣偽兵敗報至夜遁走潯州
五月諸將率師討之參舊志

十九年冬十月彗見西方將軍賴塔至進兵雲南舊志

彗星西見光芒如練一月始沒時將軍賴塔進兵雲南

經梧三宿官民不堪徵剝索夫遞糧道路以目同上

二十年冬縣東廊火十月和碩簡親王自柳回師舊志

王自柳州回師至梧取夫數百同上

二十一年夏六月守城兵噪給餉撫之秋七月水九月火舊志

蒼梧縣志

卷之十八

外傳紀事下
木朝

十四

梧城兵噪治倡首二十餘人眾乃定府志

二十二年夏六月大水免十七年以前糧舊志

二十三年奉文繪山川圖知縣尹維旆建學舍於水西坊

為諸生肄業巡撫施天裔勒石三合背禁私關舊志

二十四年冬十二月地震大赦舊志

是年取粵西大木進京營造道經蒼梧城守李承志修

堂基街通衢同上

二十六年夏六月大風毀屋覆舟秋八月免郵悞錢糧

二十八年春三月丁未大雨雹夏四月南五鄉水壞民田

秋九月乙卯西關火

三十年春旱至秋始雨

三十一年春大飢守道董延祚禁糶捐賑

三十二年冬十二月西關火

三十三年免丁糧

三十四年春正月地震夏大有年斗米銀三分知府黃鍾

置學宮籩豆銅爵贍士田 在須羅鄉

三十五年秋旱飢

三十六年春二月朔日食既民大飢 俱同上

三十七年春正月梧協千總楊士輝討岑溪賊敗績 府志

初西寧南山獠酋盤萼英糾匪肆掠及於岑溪梧協千

蒼梧縣志 卷之十八 外傳紀事下 三

總楊士輝率兵往禦眾寡不敵營隊卜徵被戕士輝僅

以身免總督石琳巡撫王起元檄梧鬱羅三營兵剿之

遂平 同上

三十八年鼎建蒼梧縣學宮

四十年夏五月水沒南薰門漂千餘家秋八月江再漲 通志

四十三年夏五月大水 舊志

四十六年夏五月水沒南門 府志

四十八年秋七月幾望大霪雨城四隅俱塌潯陽山崩 通志

五十年免丁糧逋賦

五十一年秋九月朔大風雪冬十月朔如之田禾無實 舊志

五十二年大飢舊志編審增丁銀免徵永爲例通志

連年水旱至是大飢自春及夏斗米銀三錢民死者以

千計知府李世孝隨地賑錢設廠施粥全活甚眾府志

五十三年遣使賑兵知府署產瑞蓮水田不種而收舊志

五十四年知府李世孝奉建萬年倉於茶山之麓貯積捐

納穀舊志

五十五年府署火府志

五十七年知府范大士修文廟明倫堂尊經閣學使鄒奕

鳳記舊志

五十八年免災傷賦役

蒼梧縣志卷之十八外傳紀事下 美

五十九年春雷震府學儀門秋七月大水冬十月西門火

六十年大旱飢

六十一年荐飢俱同上

災祲屢歲餓殍載途奸民相與煽亂東安鄉尤甚至

是府縣官各捐俸倡士民賑卹遂安堵如故雜志

雍正元年免逋租秋九月甲午彗見牛女閒七日而滅舊志

二年春二月驛前火冬十月城內火十一月戎墟火

三年春二月五星聯於北日月合璧贈啟聖宮爲崇聖王

封祀五代 敕建忠孝祠節婦祠秋七月大水漂民居

近江田盡沒九月安平江水壞民田舊志

四年夏五月平糶秋七月大水九月虎鬥白巨魚沿江冬雷同上

秋初有樵人至長行河口山遇二虎鬥方酣見之畧不為避已而負者卒為勝者所噬遺其半而去樵負其肉以歸鄉鄰如得自虎穴者未幾復有二巨魚色白沿大江而西上重可數百觔或以為白鱉至石良汎其一自浮於水遂為漁者所得是歲缺鹽民皆淡食東安鄉芋茨山忽產金來淘取者如市鹽亦稍集官恐其聚眾罔利而滋事也禁之閱四年始請開礦又踰四年而罷舊志參雜記

蒼梧縣志

卷之十八

外傳紀事下本朝

七

五年自春及夏大飢五月大水六月又水秋九月

二十一日戌時

天開如縫見於牛女間

舊志

六年春正月既望南門外火秋七月下弦有黑眚見於北

方八月

初六日

雷震繙林閣冬十二月大雪山木盡折

參

通志

春正火焚南門外至德政門水街驛前三百七十餘所

解子母銃於京師至省而止秋復設各衙門民壯

舊志

敘勘官兵勤事八達者賞卹有差

通志

七年春正月以廣西州縣轄於雲貴總督尋復舊秋大有

年九月

初六日

戎墟火冬十一月

十六日

大風雷雨鑿南門

外井 舊志

八年夏四月大水長行江溢壞民田六月望地震 同上

十年春二月朔大風三月 初九日 大風夏六月日五色秋七

月望月暈府江水自立東岸崩 舊志 知府吳士鯤獲銅

鑊山土寇梁有興斬之餘黨解散 府志

先是八年夏城東奎光塔尖開紅花大如掌人咸以為

祥也十年二月天忽大風下郢渡船覆溺死者七人匝

月復大風安平江口覆舟二十餘艘溺人百餘口六月

初五日日有五色七月十六月暈五彩徹夜有光觀者

莫不異之二十夜子挂榜山下江水無風自立鹽艦俱

蒼梧縣志 卷之十八 外傳紀事下 本朝 三

覆壞小舟無算時解大木入都官舫亦壞俄而東岸塌

十餘丈 舊志參雜志

知府吳士鯤緝獲賊首梁有興斬之先是有興率同羅

三養李文都會標王吹筒等數十人自康熙四十年來

盜劫蒼梧長行等鄉狼總韋宏義數禦之賊以銅鑊山

為巢穴搜捕急則竄西寧封川文移會緝久未就獲至

是設法招撫乃得賊首伏誅餘黨悉散 府志 按三養本姓鍾平樂鄉

猾賊府志 誤作羅

十一年夏四月 二十夜 星鬪於壽星之次 舊志

十三年夏征貴州苗兵過境 同上

乾隆元年春三月十一日地震免田租舊志夏五月大水

府志冬十月征貴州苗兵還通志

二年秋旱府志

三年歲熟

四年大有年

五年大有年冬十一月水淹沙街民房俱同上

六年春正月南門外火燬民房三百餘所府縣捐俸卹之

秋七月大水府志比康熙四十六年減二尺

七年飢知府戴肇名開倉賑卹府志

十年有秋免逋租通志參府志

蒼梧縣志卷之十八外傳紀事下 无

十一年秋熟府志

十二年大有年府志

十四年地震自東而西如是者三

十八年冬十月城外沙街火焚二十餘人知府捐俸卹之

十九年夏五月地震秋八月城外火卹亦如之是歲大熟

二十年秋旱

二十二年復旱

二十三年春正月十六日大雪是歲大飢

歲大飢民多死者知府永常同知李文在賑粥於城東

大較場

二十五年城外有虎患各鄉尤甚征臺灣兵旋過境

二十七年秋九月戎墟渡舟覆

戎墟渡舟皆重載九月二十三日覆溺死十餘人攝縣事同知李文在示禁定以額數

三十年冬十月城外火府縣捐俸卹之

三十一年冬十一月戎墟火焚三次燒民房六百餘所知府吳九齡同知史鳴皋知縣蔡理慶復捐俸分卹

三十二年春正月戎墟又火卹如之夏五月大水

三十三年春正月城外火三月黃霧夏五月大水冬十月雪

蒼梧縣志

卷之十八

外傳紀事下本朝

三

正月二十八日城外火自南門外至天妃廟延燒三百餘家知府吳九齡捐俸購買竹木分卹覆蓋併修火牆數椽三月二十六日黃沙霧四塞如是者六日十月二十四日大雪如棉花是歲米貴

三十四年春大飢夏五月大水六月地震秋八月復震冬十月大熟俱同上

春米貴斗米銀三錢知縣牟鈐開倉平糶縣冊免明年

糧通志

四十二年免田租通志

四十九年夏六月大水沒南薰門府縣冊

五十二年大飢斗米銀五錢府縣官開倉平糶捐俸賑卹
勸富民助賑給匾獎賞

五十三年復大飢

連歲飢道殍相望府縣官捐賑施粥於城東大較場飢
民恣食多死尋復賑之

五十四年進兵安南蠲免梧州南太柳五府錢糧

五十九年夏五月大水沒南薰門秋七月望霖雨彌旬是
月復大水如之

六十年免本年糧以明年爲嘉慶元年免十之三

嘉慶三年進兵紅水河取糧夫是年緩徵

梧州縣志

卷之十八

外傳紀事下
本朝

三

六年臺灣滋事官兵過境取夫

十四年飢

夏閒米貴每石銀四兩有奇知縣劉承志勸諭士民捐
資賑卹秋收停止

十八年府同知駐防戎墟

戎墟市鎮水路四達地連南五鄉菁深林密北接平政
江道遼濶匪徒屢出劫掠離郡城二十餘里稽察難周
是時同知已不管鹽務遂移鎮墟中專司督捕

十九年秋東關火奎光墟災

東門外廠前街火焚民居舖舍二百餘閒有積薪於奎

光增旁者遂延燒烟焰三日不熄塏尖凌霄簷馬俱燬而塏不壞三百年故物至咸豐五年六月始仆水漲居民移徙幸不傷人

二十年秋八月朔日食既晝晦見星

二十一年冬十二月城外沙街璣珠巷火府縣賑被火貧民

二十二年夏五月大水沒南薰門加設捕盜委員

俱同上

緝捕官易中孚在梧獲盜匪頗多巡撫詢以靖匪之法遂與同官等據實敷陳畧曰某等識淺才疏然在粵年久親歷地方確有見聞自應詳細陳明粵西拜會之始

蒼梧縣志

卷之十八

外傳紀事下本朝

三

起於外匪潛來勾結游民熟識土民轉相糾約不逞者被其煽惑柔懦者受其逼脅以故此風日熾劫案日多地方官非不自顧考成力圖戢暴惟地廣人稀山深箐密易於藏奸幅輳旣濶稽察難周且兵役無多名雖緝捕實爲因循苟安之計不肖者從而通賄窩盜者有之若多派文武員弁慎選固難得人而度支亦多糜費請酌委文職正佐二員武職都守二員各帶壯丁線目兵丁三十名需年壯技嫻身家可靠之人其應給公費請分別現任候補於經費內酌給一切夫馬船隻不得絲毫累及州縣居民自干譴責有功優加獎賞以示鼓勵

至緝捕之法先令密訪水陸盜匪各窩戶姓名確實不
動聲色拏交地方官會訊並素所往來匪犯由委員跟
踪拏解如窩戶能供出匪犯及別處窩戶拏獲數名者
從寬末減其罪至窩家多在鄰省及州縣各交界處諸
多掣肘應請詳咨鄰省一體查緝密札委員不分畛域
則各省不啻一省可破向來三不管十關九空之積弊
在本省原有會哨之例責令實力奉行較鄰省更易爲
力先辦窩戶嚴緝匪犯則匪徒無可托足矣更有請者
一村之民有貧富眾寡強弱之不齊強者窩匪弱者明
知敗露而始終箝口不言日久蔓延猝難擒治使明加

蒼梧縣志

卷之十八

外傳紀事下
本朝

三

攻訐難免不相報復若密爲稟告俾得擒治及時亦思
患預防之一法官爲剴切曉諭如因公下鄉之便面誠
士民指實款跡赴城密稟不令知告者姓名則強者斂
跡而弱者無畏此則在訓之於平時且盜入行劫一家
眾皆閉戶屏息者非力不敵由於膽不壯而心不齊地
方官擇紳士之有才望者隨時申以守望相助之約隨
地立以守望相助之規事既可行而志在必行則聲勢
相援何懼力之不敵而仇之或復乎言之頗切時弊

省例

二十四年城內考棚街火

采訪冊

道光六年秋九月丙午城外水西坊火

九月二十八日日將午水西坊火勾欄悉燬諸妓多從
烟焰中赴水死者數百人延燒西岸逃者四散翌日蜚
人撈屍積於沙畔纍纍然行人閉目至不忍視知府袁
渭鍾施棺殮之梧市匠事爲空蕩子從死者亦數十人
人以爲烟花孽報初妓館於白鶴觀下水邊連舟爲臺
至八九座管絃之聲自黃昏達旦火光燭天至是災及
民居遂移置於天官廟上

八年秋旱

九年夏五月水

十一年春大飢斗米銀三錢餘府縣官開倉平糶發穀於

蒼梧縣志

卷之十八

外傳紀事下
本朝

十四

各鄉秋收還倉

十二年冬十一月雪

十三年夏五月大水沒南薰門秋七月又大水如之

十四年夏五月大水秋七月大水蝗蝻害稼冬十月星入
月

泗化洲無賴糾飢民已掠兩戶貢生陳元音與各紳請
官立捕倡首二人寘之法與同洲竭力捐資分棚賑濟
亂始靖全活甚眾

十五年大飢飛蝗蔽天秋八月庚辰彗見於西冬十二月
戊寅大雪如棉蝗盡死

蝗所至禾稼爲空野無青草府縣官令人捕之愈捕愈多夜入地則朝產百子鄉人鳴金逐之奉文設劉猛將軍位稍減是冬大雪厚尺許蝗盡死

十六年秋九月甲申地震

十七年春三月己丑大霪雨山崩恩恩洲地陷

十九年夏五月水冬十二月己丑北關火延燒至西門

二十年春暎夷滋事夏五月官兵過境調梧州兵援廣州

先是紅毛夷毀虎門而入是年春命將軍奔山駐師羊

城徵梧州兵赴援踰年通事來乞和乃罷兵

二十一年夏巡撫梁章鉅駐師梧州防禦東匪屯兵大較

蒼梧縣志 卷之十八 外傳紀事下

本朝

三

場秋九月復回桂林

二十二年春三月多賢大霪雨山崩思良江潦水壞民田

二十六年冬十二月思德多賢二鄉大雪

二十七年冬十二月沙街火

二十八年盜起自道光二十年粵東禁煙洋務之亂招募

壯勇散而爲盜始則沿江劫掠繼則橫行鄉間至是年

而愈熾陷邑破郡蔓延兩省蒼梧地當衝要尤被其害

計其始末二十餘年

二十九年粵東賊張新

混名大頭羊

侯成

混名卷嘴狗

田方

混名大鯉魚

往來蒼梧行劫邑令不能制招張新爲捕役時又有府

縣差總王瑞堂王庸

混名豆皮滿

鍾超洪亮壯丁頭目溫標

等相倚爲奸總督徐廣縉察知札擒王瑞堂王庸解東正法張新旋叛率黨數十闖法堂而出盤踞戎墟公行擄掠土賊鍾敏和鄧立奇各聚數百人竄擾思德安平平政多賢各鄉府河道梗又有藤縣渠魁唐汶忠由蒼梧越獄戕藤縣城守鄧紹邦常犯縣境後爲藤團擒獲正法

三十年冬十月巡撫鄭祖琛駐軍蒼梧

大頭羊爲眾所

推潛伏戎墟爲巢者數年自招撫復叛後秋七月五日率其黨大掠墟中時團練未整無敢與鬥聽其飽颺二

蒼梧縣志

卷之十八

外傳紀事下本朝

咸豐兵變

美

十六日復至居人恥前此之弱奮力以遇互有殺傷縣城聞警知縣會營兵日午始駕舟西行而已無及矣賊知官兵不足畏復嘯聚大黃江設私關而土匪鍾敏和鄧立奇鄧八等亦聚黨流劫長行東安諸鄉掠往來客舟江道爲梗城中戒嚴泊礮船於三合嘴造望樓於通衢市肆瓦簷上皆造連橋爲守禦計府縣官督團勦捕其時鍾敏和踞安平之朝木嶺螳螂界鄧立奇擾冠蓋擄掠男婦各鄉始謀立寨防守嗣鄧立奇鄧亞八就擒閭井狃安而陳亞潰等焚劫柳州南甯各州縣流毒甚慘將及潯州未幾金田賊復起巡撫鄭祖琛於是駐軍

蒼梧調兵轉餉未幾徵還

咸豐元年蠲免以前逋賦本年銀糧緩徵旋奉文以軍需告緩始啟徵

冬月粵東艇匪任文炳梁掌關福駕波山艇八艘闖關而過上竄大江時議榕潭峽險隘屯勇扼賊但勇寡勢孤力不能敵所設扒船四隻悉以礮械投賊勢益猖獗二年春任文炳等圍郡城時兵單難守賊亦自顧船少未敢陷城勒取銀二萬兩卽上竄潯郡擄船數百艘聲勢洶洶夏五月復趨梧總督徐廣縉督師來梧勦辦大破艇賊全股撲滅文炳梁掌皆伏法關福不知所終

蒼梧縣志

卷之十八

本朝

咸豐兵燹

七

三年太守陳瑞芝莅任自帶潮勇來梧資守禦誅通賊鍾

超吳鳳等飭各鄉擒土匪送案正法粵東賊田方

卽大鯉魚

侯成

卽捲嘴狗

受撫羽黨多人出入城市道路以目徐督稔

二匪跋扈密檄緝捕委員褚暨陳太守設計誅之其黨

梁培友區潤等駕波山艇上竄潯州

四月護林埔土匪沙塵杰滋擾吉陽鄉焚劫

五月粵東賊張亦配率黨千餘人竄擾長行鄉擄掠二

十餘村請兵勦捕竄回羅定

大案土匪劫掠安平鄉之竈腳坡嶺腳等處鄉人集團擊之退甲長陳忠拔被害

九月粵東賊安居盛

混名爛
腳安

勾會來土匪葉四嶺底二

在勝洲墟結盟聚眾冠蓋鄉奉府諭集團往捕獲賊解
郡賊遂攻冠蓋松柏村等處團長李占魁禦賊被害斃
練丁八名請兵勦捕賊飽掠而散

四年粵東會匪大起肇慶失守東西路絕夏初艇匪梁培
友區潤等百餘艘攻圍郡城太守陳瑞芝先募廣東拖
沽泊河下防禦署經歷某東莞人也賊將至給太守將
大礮藥彈盡移拖船中備戰賊至太守之子登仕尙在
拖船不料已插賊紅旂急梟水歸守城而經歷已不知
所往矣賊仰攻城中之火藥鉛彈幸下卸一路尙通委

蒼梧縣志

卷之十八

本朝

咸豐兵燹

三

紳士由北門縋城出至思德純埔寨等處取硝磺歸僅
能支持又藤邑紳士朱五美等帶團練千餘來援派守
北門藉紓後路之憂困城凡數十日太守之子登仕率
潮勇居民固守力戰多方殺賊至賊艇不敢近泊於對
河秋賊又添東匪關巨率悍賊萬餘水陸環攻城中守
禦如故又城中井不敷汲以潮勇開小南門查驗放汲
並護汲至河邊賊不敢近因得不渴八月下旬左江道
張敬修始帶勇由桂林來援賊亦困十月初十日解圍
東竄肇慶

七月平樂鄉賊匪攻泗化洲團練拒之士匪楊亞五內

應遂不支擄去男婦多名斃練丁二十餘人

八月潯陽土匪羅華觀據潯陽鄉與多賢土匪潘庸盧英岑展圖等逼脅鄉民入會團紳請兵勦賊失利練勇陳天漢謝宰森蘇天植被害

吉陽鄉土匪葉國忠國喬等盤踞思念寨背埔四出擄掠

九月冠蓋鄉土匪高老益鍾亞通葉四范韋九張華光勾艇匪攻鬱岡嶺殺守隘練勇三人蜂擁入境團長聶步矩陳傑觀李彰林被害斃練丁二十三人合鄉俱陷長行鄉土匪李木火勾粵東賊何撓亞歪二率黨千餘

蒼梧縣志

卷之十八

外傳紀事下

本朝 咸豐兵燹

三

由冠蓋直上盤踞合鄉俱陷

冬十月東安鄉土匪勾引艇賊黃河李洪波由封川江口竄入踞石頭墟

五年正月吉陽鄉請兵勦思念寨背埔獲匪數十名團長陳文蔚陣亡

冠蓋鄉請兵勦匪收復大坡街藤縣賊首戴九統黨數千屢來拒戰潮勇敗之竄歸廣平墟

三月東安鄉土匪由石橋墟來攻破石人寨殺男婦六七十人

四月初八日粵東克復肇慶東匪全股西竄賊艇千餘

艘蔽江而上潮勇鏖戰不得休礮聲震天其時未知東兵之尾賊後也民心大懼迨賊艇過盡東兵追至始知爲賊敗竄左江道張敬修紮德慶南江口不能堵遏而東省帶兵之武弁蘇海不肯越境窮追敬修恐梧城有失許追至梧以二萬元犒師東兵始追至梧俟商民湊足犒師之數遂撤兵東返是時艇賊饑疲沿江掠米尤彈已盡徹夜驚惶欲散紳商力請窮追可全股撲滅蘇弁決意不從遂至賊勢復張後攻破潯柳縱橫左右兩江貽禍莫甚焉東路旣通商人感太守保全恩願加稅以助軍需城中亦抽間架稅兩月

蒼梧縣志

卷之十八

外傳紀事下
本朝 咸豐兵燹

甲

五月賀縣獲匪萬餘由潯陽出甘村沿府江擄掠多賢二五堡尤被其害

吉陽鄉團會封川西甯冠蓋長行團練攻破排山賊巢擒賊首葉國喬殺賊二百餘名

六月羅華觀葉國忠糾艇匪焚劫吉陽潭村殺鄉民十餘人擄去三十餘人

七月藤縣賊戴九率黨數千竄踞須羅龍窩村冠蓋團練往援救出男婦老幼七百餘人陣亡練勇鄧阿黃嚴能直等十三人

長行鄉請兵勦匪收復廣平八月土匪李木火勾藤縣

賊戴九糾黨數千輒復盤踞

九月至十月多潯兩鄉請兵勦羅華觀屢進無功斃練勇蘇嘉德等十餘人

冬十月艇匪陳開屯安平鄉人和墟設稅廠江面窒塞商旅不通

六年春羅華觀匪黨竄擾吉陽鄉焚劫村落請兵驅散

夏廣西臬司黃鐘音由廣東糧道陞任來梧駐紮

秋潯郡艇匪來撲郡城時有東省參將潘某帶拖防守

船俱失潘某受傷僅以身免賊攻城一日潮勇固守賊即退竄潯州

蒼梧縣志

卷之十八

外傳紀事下

本朝 咸豐兵燹

三

七月長行鄉李木火勾容縣寺良賊黃大等千餘占踞勝洲墟冠蓋長行兩鄉集團攻勦練勇鍾耆妹等四名陣亡

冬調邑令彭昌集來署蒼梧時倉穀爲前邑令糶盡彭令見倉庫空虛賊近勇驕禮邑紳詢地方患苦求整頓之法以爲必遠近團結人共一心先免勇累乃可禦賊黃臬司深倚之乃親入多賢下郢招土匪羅華觀華觀佯應招撫聚黨如故七年艇匪困城斷絕後路糧道不通職此之故

七年春正月邑令彭昌集率同紳士帶潮勇三百入冠蓋

鄉協團先攻寨上廟連日礮傷潮勇多名兩旬餘始破
二月中旬移營長行鄉收復七村及攻破平地街賊巢
獲賊七十餘名訊是東匪卽時梟示大快人心至三月
下旬因穀米騰貴大雨時行遂撤勇回郡時有湖南米
數百艘泊河下紳士李佳齡施彰文等集議稟知府欲
留三放七屯積備預爲浮言所惑竟不果行

五月羅華觀匪黨焚掠吉陽六坊等村又占踞潭村團
練卽日克復殺斃髮逆百餘生擒十餘名嗣郡城失守
惟吉陽三四堡數十村不失

閏五月朔潯郡艇匪梁培友區潤等下竄圍梧城時平

蒼梧縣志

卷之十八

外傳紀事下
本朝

咸豐兵燹

三

樂府失守省河道絕羅華觀據多潯兩鄉斷糧道潮勇
守城賊屢攻不下至七月城中糧盡餓斃者大半饑民
至析骸以爨邑令彭昌集出城往東安鄉辦糧冀華觀
感招撫恩路經多潯華觀擄至戎墟賊營遇害又生員
何培等帶練勇百名入鄉運糧半途遇賊均皆被害守
至百日於八月初十夜知府陳瑞芝棄城遁學使沈炳
垣副將蔣福長典史王錫惠皆殉難臬司黃鐘音出城
被害賊俟潮勇去盡始入城學使沈炳垣服藥未能死
爲賊所擄後死最慘見忠義傳百姓隨官兵逃者男婦
老幼數萬爲潯陽土匪截擄慘不可言是役也前縱寇

不追之武弁蘇海於城未陷前領東兵戰船來援至德慶爲賊敗擄至戎墟殺之賊入城爭奪民房男女老幼盡行擄贖不能贖者荼毒備至投之於江首逆梁培友區潤等僞稱王仍居艇不登陸土匪羅華觀踞學院署爲僞繡江府長洲土匪樂光三白蟻華等皆爲大頭目耀武揚威荼毒梓里蓋長洲水鄉奸民習水性善駕舟與艇匪浹洽爲其牙爪故也儻附近紳士早爲舉發不至反受其害矣

長行土匪李木火因郡城被圍六月復率黨踞廣平墟合鄉俱陷

蒼梧縣志

卷之十八

外傳紀事下
本朝 咸豐兵燹

三

郡城失守道路梗塞惟冠蓋鄉上通藤縣下達西甯大坡街往來成市團紳設局守隘合鄉完固

多賢二五堡及思德平政倒水等處合團固守不失

羅華觀匪黨竄踞東安鄉惟大雞關牛過水關兩團固守不失

思德土匪顏子健勾外匪千餘攻霜兒寨團練固守不失

八年粵東提督崑壽統帶水師來梧勦辦艇匪聞官兵至先下迎拒大敗於封川梧城賊不能支復上竄潯州四月十七日克復梧城多賢頭堡三堡紳士回鄉復整團

練華觀潛逃擒華觀父羅舉科偽軍師禡士祥等解郡
正法華觀復糾黨來攻團紳胡畏三鄉民黃建勳被害
頭三堡復陷華觀屯下邳河口設廠抽稅府河道梗
三月平樂鄉土匪圍攻留村冠蓋團練往援攻破大村
賊巢擒斬長髮多名

吉陽新地有匪起事冠蓋團總李炳蔚帶團往探賊覺
遇害土匪攻吉陽潭村湛村團練擊退之斃賊多名
九月長行鄉請兵勦匪不克

九年正月城中地震經時免咸豐七年錢糧十分之四

二月艇匪由潯州下竄焚掠沿江村落

蒼梧縣志

卷之十八

外傳紀事下
本朝

咸豐兵燹

四

四月安平鄉烈村土匪李延苓古城土匪黃十一劫烈
村殺村民李英諒李宇榮

冬十月平樂鄉土匪吳保等滋擾羅容古薩等村盤踞
羅容廟冠蓋團練會攻匪徒乞降又攻棣步匪巢練勇
李華新陣亡

十年春正月初四日地震安平土匪李延苓黃十一復劫
烈村殺團長李紹宗徐相臣並團丁二人

四月黃十一困路崗寨團長徐現璜集團往援救出男
婦四十餘人

仁和墟艇匪新五等劫平政鄉思磨馬島等村安平團

練擊退之

七月賀縣賊陳金剛李榮揚等率黨萬餘竄東安石橋與羅華觀合分擾多潯等鄉攻破思德鄉馬水村武倫寨寨中男婦殉難者二百餘人進攻純埔大岸大坡等寨團練固守不失又竄安平鄉遍鄉屯住攻破利水寨擄殺男婦三百餘人

八月前布政使蔣益澧督楚勇由賀縣進勦東安多賢下邳等處羅華觀遠遁三鄉賊平府河遂通至是蓋三年矣

十一年夏五月彗星見西方督師蔣益澧進勦平樂鄉之

蒼梧縣志

卷之十八

外傳紀事下本朝

咸豐兵燹

三

羅容古薩匪遁兵撤輒復盤踞

兩廣總督勞崇光檄惠州碣石鎮李揚陞督水師由水路檄前布政使蔣益澧督楚勇由陸路進勦潯州惠潮嘉道劉式恕來梧辦糧台由梧進兵水陸夾攻賊聞駕艇數百艘眠桅而下示無退志迎拒於平南縣之古雍灘東南風作官軍大勝全股撲滅浮屍數萬蔽江而下時秋七月十四日也亦足以償七年陷梧城之罪矣十六日蔣督師率楚勇至潯郡賊奪門出又驅之於江湖斃無算克復潯州艇匪既滅梧城始獲安枕

同治元年豁免咸豐九年以前民欠錢糧

二月平樂鄉古薩賊首吳保等擄泗化洲採樵婦女三十餘人團練追捕不及

三月長行土匪李木火勾須羅土匪張華光寺良土匪黃大等率黨數千攻破富觀調村大醮十餘村擄殺男婦老幼千餘人

夏四月張華光糾合藤縣寺良大坡各處黨羽七八千攻破冠蓋鄉思務村團練被害者二百餘人盤踞大坡街成村一帶十五日又攻破思文村殺團總武生冀賓光父子弟姪及練丁不計其數五月初旬知府趙元模派弁協團往勦賊竄歸新利墟

倉梧縣志

卷之十八

外傳紀事下
本朝

咸豐兵燹

哭

多賢土匪岑展圖潘庸復叛團練出賞格至昭平擒獲解送正法多賢鄉賊平

二年正月吉陽土匪焚劫思仍村進踞麻地三村殺男婦百餘擄去二百餘人又攻僚村紫對河門雞山口團練請兵勦捕官兵由戎墟入團練協同潮勇過河四路夾攻殺賊數十名土匪解散吉陽鄉賊平

二年冠蓋土匪占踞金子寨陣亡練總李炳時練丁李品佳旋爲團練克復冠蓋鄉賊平

二月長行鄉請兵勦賊官軍千餘圍攻廣平墟不下四月二十五日用地雷轟斃賊匪二百餘名克復廣平土

匪自是解散長行鄉賊平

自是以後各鄉土匪時有竊發皆隨時破滅蓋劫運已終矣然八年水井坊新土營猶有梁酒罇之變安平鄉竈坡村猶有梁振隆之變奸宄之徒包藏禍心守土官所宜隨時防範也

蒼梧縣志

卷之十八

外傳紀事下

卅

蒼梧縣志

外傳

雜錄

舜葬於蒼梧之野蓋二妃未之從也

禮記檀弓

蒼梧於周南越

之地今為郡

鄭元注

南海蒼梧之邱蒼梧之川其中有九疑山焉舜所葬在長

沙零陵界

山海經

舜葬蒼梧有羣象常為之耕時有鳥自丹州來吐氣名曰

馮宵能啣土成墳邱返形變色名曰珠邱登木則禽行

地則獸啣青砂如珠輕細風吹如塵名曰珠塵後蒼梧

蒼梧縣志

卷之十八

外傳雜錄

古本

哭

採藥者得青石圓潔如珠服之不死帶則身輕

拾遺記

檀弓云舜葬於蒼梧之野習鑿齒云虞舜葬零陵元和郡

縣志亦云九疑舜之葬也按太史公云舜南巡行死於

蒼梧之野歸葬於江南之九疑山海經云舜之所葬在

今道州零陵縣界蒼梧九疑山是兩處後人誤引舜死

之地以為舜葬之所耳

祝穆方輿覽勝

舜崩於蒼梧之野葬於九疑之山一名永陵甯遠地宋時

禁樵採置守陵五戶今相傳在大雲山者非

舊府志

戴記曰舜葬蒼梧之野按書舜巡狩至南嶽又曰陟方乃

死國語舜勤眾事而野死山海經曰南方蒼梧之邱蒼

梧之淵其中有九疑山舜之所葬在長沙零陵界中註曰山今在零陵縣南其地爲蒼梧又曰湘水出舜葬東南陬西環之入洞庭下史遷引以爲証似非無徵者但世以其與孟子書不類故或疑之又按呂氏春秋載舜葬於紀今陳留縣平邱有鳴條海州東海縣有蒼梧山海州近莒之紀城去鳴條不甚遠未知然否同上

辦舜葬事詳見路史及餘冬序錄似葬在萊州府之膠州本竹書紀年謂此地有鳴條又有蒼梧山也按竹書紀年云三十年舜葬后育於渭又云后育娥皇也又云五十年舜陟鳴條鳴條有蒼梧之山在今海州然則渭亦

蒼梧縣志

卷之十八

外傳雜錄

吳

非湘州之水矣可証九疑湘江之誣

徐渭青藤路史

漢馬援鑄銅船濟海已沉於水天霽水澄後人猶隱隱見之一云南越王所鑄名越王船相傳在鬱林郡又云在梧郡大江東南未知孰是

舊府志

漢周敞爲交阯刺史行部蒼梧暮宿鵠奔亭夜未半一女子從樓下出云妾姓蘇名娥字如珠廣信縣修里人早失父母無兄弟夫亦無有雜繒百二十疋及一婢名致富孤窮羸弱不能自振欲往宛縣賣繒就同縣人王伯賃牛車一乘與錢萬二千載妾並繒婢執轡以從前年四月十日到此時已暮行人旣絕因卽留止婢暴腹痛

妾往亭長乞漿亭長龔壽操刀至車旁問妾何來車上何載丈夫安在妾曰何問壽捉妾臂欲污妾不從以刀刺妾脅死又殺婢共埋樓下掠財去殺牛燒車牛骨投空井中故來告於明使君耳敝曰今發屍以何驗女曰妾上下皆白衣青絲履猶未朽也果發得屍敝遣吏捕壽下廣信讞問招與女語同因取壽父母兄弟皆繫獄敝疏殺人律不族但壽惡隱密經年爲鬼所訴千載無一請皆斬以助陰誅上從之

舊志府志同按廣信路狹不能容車今唯鬱林郡

有之所言旁縣意卽此

梧故扶南地扶南王范文揚州人少被掠賣交州爲彝奴

蒼梧縣志

卷之十八

外傳雜錄

古本

五

牧羊山澗中得二鯉魚歸欲私食彝郎知檢求文曰非魚也將礪石還耳郎至魚所見是石乃去文異之石有鐵文就山中冶鐵鍛作兩刀舉刀向嶂祝曰鯉魚變化治石成刀斫石破嶂者文當治此國遂斫之破於是人情附之愍帝建興中南至林邑林邑王范逸信之使爲將成帝咸和六年遂王扶南石上痕尙在魚刀子孫寶守謬比之斬蛇劍

舊志參府志

蒼梧吏劉京云桂林晉興甯浦澗人病將死有飛蟲大如小麥或云有甲或一石餘或三五斗而來在舍上人氣絕來食亡者雖撲殺來如風雨不可斷止斯須肌肉都

盡祇餘骨在云殞歛不時皆受此害有物力者以衣服布帛五六重裹亡者此蟲畏梓木氣以梓木板障其傍并以作器便不敢近

博物志

張憑字長宗祖鎮蒼梧太守憑年數歲鎮謂其父曰我不如汝有佳兒憑曰阿翁詎宜以子戲父耶及長有志氣為鄉閭所敬舉孝廉官至吏部郎御史中丞

晉書

錢奐字文煥鄞縣人正統間廣西參政子瓚亦按察副使蒼梧有王姓獄歲久不決一夕夢婦人訴姪毆其夫成是時獄經多官無能辦之者瓚如夢訊決人稱神明

通志

王文成平思田事後多遺議翁仁夫云公將薨時對某言

蒼梧縣志

卷之十八

外傳雜錄

古本

至

曰州事非我本心後世誰諒我者然按公謝恩一疏極言兵不必用二豎不足誅土司不可去是其計畫蚤已先定故入境即遣人招之按公以十月至梧次年七月方抵邕從容十餘月蓋以緩其疑也至則日聚幕僚諸生講學人謂公假此緩敵意必密有指授公謝曰嶺徼苦兵久矣吾實招之非誘致也時蘇受業已俛首聽命為小人索賂遂忿恚疑沮公不得不曲意徇所請二酋終受纓縻至用其犄角之力以平藤峽八寨此一着不幾稱完局哉公去而繼之者控馭不盡如策盧蘇驕縱弑主稱兵覺實張祐開之制府成之政以賄行動皆戲

局遂任其縱橫攫噬束手而不敢問則所謂不鞭其後者也第於時三廣江右之師久集兵勢張甚以公之威畧乘之宜其取二酋若狐兔從後遡之謂當日之失誅耳譬之盜伺於垣其兄感以恩信招而入之因得其死力圖報捍逐他盜兄死而弟處之失宜盜復爲亂不能禁制遂追而怨其兄曰是胡不於當時亟殺之可無今日之患又如武侯旣薨南人復反亦將曰是胡不於七擒時誅之也故蘇受之猖狂再逞於文成之沒也與孟獲之不反僅止於武侯之身是皆不鞭其後者也

西事理

四川和州鄒吉士汝愚謫雷州石城千戶所吏目道吾廣

蒼梧縣志

卷之十八

外傳雜錄

古本

三

有司留館坡山士民爭先謁焉其同年蒼梧吳獻臣廷舉尹順德合邑民李煥於古樓村建亭居之扁曰謫仙宏治辛亥十月卒獻臣往治其喪適方伯東山劉公大夏至邑不暇出迎廉知其故反加禮待厚其資卹還其喪獻臣自是知名

黃瑜雙槐歲抄

吳尙書廷舉與大學士蔣冕少爲布衣交友同第進士嘉靖登極廷舉劾奏冕當先帝南巡時冕旣不能排闥引裾而諫及微言不聽又不

能挂冠解綬而歸諒古人導以教訓傳之德義不如是也且言臣與冕爲同榜好友不能如韓愈之於陽城歐陽修之於范仲淹陳瓘之於曾布朱熹之於史浩常移

書論責有愧於四臣實爲倖臣求自免去其詞近直已
冕言廷舉素與臣莫逆其列官中外三十五年每歲通
書問者數次前臣扈從南巡廷舉亦嘗致書及臣矣其
閒多獎借之詞無片言及時事蓋謂臣旣失職於先朝
當勇退於今日處君臣朋友之義當然臣不去何以謝
廷舉上以廷舉言過激促冕亟出視事而尋調廷舉南
京工部按武廟南巡時冕嘗與同官跪門諫止後在南
京又數請回鑾則冕固不負其職廷舉是時爲都御史
實無一言及之顧不先自劾而劾冕幾於賣友沽直矣
末世士大夫好名之過卽父母兄弟有不相顧者况朋

蒼梧縣志

卷之十八

外傳雜錄

古本

五

友乎此無他學術不明而喻利之心勝也今世以廷舉
爲氣節中人亦未考其平生耳

徐學謨世廟識錄

鄉先輩清儉之德誠後學所當敬仰師法者也如吾郡之
邢公正梧之吳東湖平南之張涇川全州之蔣敬所世
雖有所評然各有不可及者東湖自先世戎籍受屯田
四十畝歷仕數十年不增尺寸嘗於祖墓前辟地作書
屋其閒製十景以詠其事黃大泉曰向見東湖十詠謂
當如洛陽名園之盛及過其處廣不盈畝可笑也其子
無宅以居聞巡按陳少嶽宗夔欲爲營之未知果否世
有治第破千家者可謂震耀一時曾不得終身享之視

此孰得孰失

李文鳳山叢談

銅仁劉時舉由舉人官平樂府同知慷慨有大畧尤長於用兵時有征勦多出贊畫常集諸生講論經義修明賢書院置學田贍士之貧者先是時舉年十三從父仁之梧州父道卒再過府江徭賊突至庶母與二妹俱死時舉繫入峒中後竟以計出得歸薦於鄉及任平樂而府江適其所屬人多異之

通志

雷璣蜀孝廉也少時家被火各奔避忽樓上大呼曰持此蒼梧令去登樓無他祇見璣亟抱走

國朝順治閒筮仕果任蒼梧愛士恤民頗有善政越二年而

蒼梧縣志

卷之十八

外傳雜錄

古本

雷

病語家人曰爾速備後事上帝命余爲英德縣城隍吏役來迎某日當往至期沐浴端坐而逝左右若聞有鼓吹焉

同上

蠱藥種類不一用法亦嚴或以土木易人五臟或置雞鴨食中入腹復生長翅足攝人魂至家終夜力作力竭乃死或潛移人貨物入已平樂梧州亦有之漢人有捕得造蠱者則羣執生瘞之或投烈火中

百粵風土記

桃生者妖術也以魚肉請人遂作術於中人食之則此物遂活於胸腹害人至死而後已也嘗見范石湖桂海虞衡志載當時李壽翁爲雷州推官得一方甚妙云食在

胸隔則服升麻吐之在腹則服鬱金下之仕宦長病此故爲揭出

郎瑛七修類藁

神異經云海南小虞山有鬼母神一產十鬼朝產暮食之或曰今蒼梧鬼姑神是也

府志

桄榔樹皮可作綆得水則柔韌中有屑如麪多者至數十觔食之與常麪無異

南方草木狀

子如串珠多種於佛

寺

府志

溪洞蠻取光榔木之堅者以爲弩箭沾血一滴則自裂於皮裏不可撤矣不惟其木見血而然雖木液一滴着人肌膚卽徧身如鍼刺是殆木性攻行於血氣也又其根

蒼梧縣志

卷之十八

外傳雜錄

古本

五

皆細鬚堅實如鐵鋌以爲器悉成孔雀尾班世以爲珍

木

嶺外代答

明初總兵副總兵官皆用以征討自韓觀挂征蠻將軍印充總兵官鎮守廣西於是始有鎮守總兵官成化中韓雍征大藤峽以右都御史總督兩廣軍務設總府於梧州而平江伯陳銳亦以征蠻將軍充總兵官協同鎮守於是統兩廣兵遂專用侯伯凡軍門司號令曰旗牌官又有軍門贊畫官嘉靖元年兵部題允於武舉中式者量其年力咨送邊方軍門贊畫以五年爲期期滿送部

敘用

府志

呂仙亭建自至元閒由來已久俗傳都御史韓雍以總制
涖梧遇呂仙於此得所贈劍以斬妖藤遂破峽寇重修
舊亭并於亭右設橋曰會仙蓋粵人信鬼意必襄毅設
爲神奇以作士氣而先奪么魔之魄耳迄建奇勳益傳
佳話其有無固無容辨也

府志

三娘神須羅鄉人姓劉氏生於明季上巳日被除溪中風
雨驟至弟妹皆走避獨與神遇端坐石上衣不濡由是
能歌成文理言人幽隱皆奇中出入必歌使紡績而故
棼其絲隨歌隨治卽有緒使治田歌如故須臾終畝恒
數日不歸莫知其踪使拾溪石爲炊啟釜視之柔脆如

蒼梧縣志

卷之十八

外傳雜錄

古本

五

粉里人咸神之求爲禱雨輒應一日告其家將仙去每
年上巳必歸若有求向前坐溪石呼之必福汝遂不知
所終里人立廟以祀酈露亦雅稱潯州人恐未詳懷集

燕巖亦有廟

據采訪冊續增

榕樹神在縣署後倉古幹磅礴蔭橫數畝而中空嘉慶閒
有巨蟒長數丈蜿蜒而出知縣李源親祭之遂不見人
呼爲榕樹大將軍

李八郎吉陽鄉人康熙閒讀書寺中遇天早有農人故曲
防憤曰我若神必均雨露夜輒跣足導其流曲防者布
鐵疾藜傷郎足忽音樂來空中郎遂羽化今鄉人肖雨

笠跣足狀祀之旱則昇至田閒虔禱輒應吉陽堡中多祀之同上

泗化洲青山廟祀黃白黎李五官神靈甚赫有青蛇繞衣袖閒如三界神賽神必正月冠涼冠不知取義

冠蓋之大廟有歐莫李三神碑陰宋進士亦甚靈夫曰朝官曰進士必其有德於此者神能福人人咸祀之當與淫祠異

舊志水浮大竹剖之得男是爲竹王漢武斬竹王夷獠請立祠封三子爲三郎冠蓋之祀卽此

按華陽國志竹王出遯水有才武遂雄夷狄唐蒙上

蒼梧縣志

卷之十八

外傳雜錄

古本

七

書謂南越東西萬里由長沙豫章往水道多絕若從番禺浮船出牂牁此制越一策也武帝拜唐蒙爲都尉開牂牁以重幣諭諸種侯王悉服從因斬竹王置牂牁郡後夷濮咸訴竹王非血氣所生求立祠乃表封其三子列侯死配食父祠今竹王三郎神是也事在牂牁與此地無涉且楚莊躡出且蘭伐夜郎植牂牁繫船因名且蘭爲牂牁國置郡在斬竹王之後請祠爲牂牁太守吳霸恐悞會南越一旬實駱越也

多賢鄉廖乃壯嘉慶間人一日偕兄弟六逐田豕虎突出啣其弟去壯追急虎置弟壯身跨之奮擊諸弟隨刺以

刃悉脫歸同時有女忘其姓從嫂耘田嫂爲虎攫女疾呼救眾不應挺錘遠追俱斃天性所發世共惜之
朱覲裔東安人嘉慶戊寅突有賊百餘掠石橋墟裔寓墟中與同伴南海劉倬賢高要梁廷珮義憤拒鬪擒一賊俄大至三人皆遇害官爲給葬致祭人稱三義士云

